

天鎮縣志卷之六

知縣張坊補輯

人物薦舉 鄉飲附

論人物至山西負乎尚矣諸如上聖名賢忠臣義士以
及文人學者胥亙古不朽之業也大同孤懸塞外而天
鎮一邑尤處邊徼前代世遠年湮香不可稽然荒落之
中其姓氏猶可錄錄者正不乏人焉志人物

金

蘇保衡字宗尹雲中天成人父京遼進士為西京留守宗

翰兵至京出降久之病篤託以保衡京死宗翰薦之於
朝賜進士出身補太子洗馬調解州軍事判官辟撤离
喝陝西幕府叅議軍事累官同知興中尹天德間繕治
中都張浩舉分督公役改大興少尹督諸陵工遷工部
尚書會伐宋與徐文等督造戰艦於通州兵興以為浙
東通水軍都統制率舟師泛海趨臨安永兵來襲敗
於海中副統制鄭家死之大定二年召赴中都時山東
盜賊嘯聚百姓困敝詔保衡安撫山東發倉粟給布帛
無妻室者具名以聞還改刑部尚書遣往河南山東陝

西宣問屯田軍人有立功者具名以聞先登敗敵者正
軍及阿里喜補官一階猛安謀克上功狀尚書省僕散
忠義伐宋命行戶部於關中兼糾察許以便宜黜守令
不法者十餘人邠守傅慎徽忤用事者被讒構下獄力
收之得免入為太常卿遷禮部尚書拜叅知政事三年
宋人請和詔征南京與忠義斟酌事宜行之入奏進尚
書右丞詔監護語殿役六年冬有疾求致仕不許七年
二月庚寅卒年五十五輟朝賻贈命有司致祭

明

袁 遇原籍汪南太平府人從太祖克溧水宜興等處又克潞州太原等處以軍功勅授昭信校尉洪武二年又攻打西京四年又進征四川屢立戰功誥授武毅將軍副千戶十二年調大同前衛中所副千戶二十四年卒於官後以子義官天城衛後所副千戶遂家焉世襲

董 成原籍鳳陽府亳州人太祖甲辰從軍渡江得功陞興武百戶吳元年克蘇州陞通州衛副千戶洪武三年除明威將軍平陽左衛指揮僉事七年欽謂大同前衛指揮僉事十年十月授世襲誥命二十八年調大同有

護衛指揮僉事本年十一月卒於官隨任董恕於洪武二十九年襲職永樂三年調山西行都司天城衛指揮僉事遂隸籍焉

韓聚原籍鳳陽府虹縣人從太祖征克江州襄陽等處再克淮安湖州等處洪武六年選充總旗九年陰福州流官百戶十年授世襲勅命十四十五年又累積軍功陞汀州衛中所世襲副千戶十九年十一月陣亡二十六年以子忠襲職除武畧將軍天城衛左所世襲副千戶遂隸籍為天城人

謝思原籍鳳陽府定遠人從明太祖屢立戰功吳元年
除豹韜衛正千戶洪武八年陞西安前衛指揮僉事十
一年授世襲誥命十五年調設秦州衛二十年為不應
事待罪出征又累積軍功於洪武二十五年欽依復職
調鎮衛二十九年欽與明威將軍世襲指揮僉事三十
三年老卒

于聰原籍浙江長興人從太祖出征積戰功洪武二十
六年除天城衛實授百戶遂家焉世襲

羅英原籍廬州府合肥人洪武二十九年隨燕山左護

衛指揮屢立戰功三十二年由小旗陞本所勇士百戶
三十三年正月克蔚州又攻圍大同等處陞本所副千
戶三十四年藁城大戰有功陞本衛指揮僉事永樂元
年陞金吾左衛世襲指揮同知後以姪俊官天城衛指
揮同知遂隸籍焉

李遇春原籍河南固始縣人洪武間從太祖立軍功封昭
信校尉後調天城衛遂隸籍於斯焉

閔仲名原籍湖廣羅田人隨成祖勦寇有功永樂九年勅
授山西行都指揮使司都指揮僉事襲世職家於天城

羅俊英姪洪熙元年襲金吾左衛指揮同知職宣德二年隨駕征武定州有功三年誥授懷遠將軍指揮同知本年又進征會州等處殺賊有功十年欽調山西行都司天城衛世襲指揮同知景泰天順間率領官軍追賊至蕭牆山磨兒山黑石崖破堡子等處生擒賊渠奪其旗幟斬獲甚衆成化二年勅諭分守延綏東路右叅將五年以老乞休尋卒

董昇景泰五年襲本衛指揮僉事成化六年五月以軍功陞指揮同知六月陞指揮使八年陞山西行都司指

揮僉事後蒙總兵官楊信等會議奏准水職守備天城等處十六年陞都指揮同知十七年陞都指揮使本年七月內奉勅充大同遊擊將軍統領遊兵官軍三千員往來截殺二十年殺賊全勝有功賜勅一道陞後軍都督府署都督僉事嘉靖三年卒

溫 恭成化十一年襲父瑛職十六年威寧海子殺賊有功陞本衛指揮僉事十九等年卒

殺紀績陞本衛指揮同知攬懷遠將軍宏治十一年守備天城十五年六月送邊哨行糧被賊襲圍救解全歸

正德二年在會軍地方又斬獲全勝陞署都督僉事掛
印鎮守大同地方三年寧陽鋪設軍分調俘獲甚衆四
年實授都督僉事鎮守寧夏地方本年緣大同事降指
揮僉事七年充叅將進勦山東賊斬獲賊首七百八十
餘級准復都督僉事八月陞署都督同知授驃騎將軍
時年已六十三矣某年卒

羅恭俊元孫嘉靖二十二年襲指揮同知職四十二年
從征宣府永隆等處奮勇禦寇血戰有功隆慶二年誥
授昭勇將軍署都指揮僉事六年卒

薛綸字汝為號幼泉其先興化人從戎至天城遂家焉
嘉靖甲子舉人隆慶戊辰進士授長安令蘇民力清土
田禁狡民役匿勢豪伸理張良弼等寃擢兵部武選司
主事條上制一安邊十數事出為開封守彈壓強藩催
抑豪右擢陝西憲副治兵定邊當市群索賞而譟綸
叱之無敢譁者以蜚謗罷官歸卒于家

周祉號錫菴其先為江南高郵州人由明經初任河
府通判檢積案理寃獄裁汰礦稅力抗中貴治行稱最
復除判鞏昌兼收洮州程儲剔茶馬之弊利興害除省

沙狐之供軍安餉足循資推陞趙州知州洮岷士夫軍民遮道攀留督撫茶部交章題請加同知銜仍判鞏昌以疾歸士民感戴為建生祠祀焉壽六十卒于家門人私諡為直方先生

高策字汝籌號對廷其先為汾州永寧人登萬歷八年武進士初權瓦窰堡守備卽請除豪右二十年倭犯朝鮮時公任大同邊兵遊擊統兵征勦密埋火器分道四出攻打平壤身冒矢石大兵繼集斬首一千六百餘級奏捷陞寧山叅將自後所向有功歷陞薊鎮協守中路

副總兵加署都督僉事銜四十四年

夜犯孤山公

督親丁伍卒出潘家口不畏險難列陣大戰首重傷

哭泣逃遁滅踪自是不敢輕犯閱二年卒于官壽六十

有三子維岳請卹賜諭祭

安懋脩字宏養其先為太原岢嵐人中萬歷乙卯舉人任

直隸肅寧縣令崇禎十一年十月賊勢猖獗所過城邑

無不立摧攻肅寧甚急公同邑紳士率鄉勇死守孤城

賊造雲梯車板攀援而上短兵接鬪於城頭斬賊首一

人賊衆十餘人其破斷手墜死者不計其數縱火焚雪

梯車板一空賊却走孤城垂陷復全叙功為畿南保障
第一奉旨著先加二級仍紀錄行取公謀勇兼備禦敵
經年艱辛萬狀卒以救援不至力竭遇害事聞十三年
五月詔贈光祿寺少卿

國朝

穆生輝號榮之其先為汾州臨縣人隸籍天城衛公少驍
勇有智畧聞人道斬將搴旗事輒慨然神往起行間屢
有異跡順治元年一戰克復朔州題授大同鎮左營參
將六年出征江右撫勦兼施積功授副將七八等年奮

勇殺賊所向無敵世襲拖沙喇哈番十一年督授交章
薦公陞湖廣鄖襄總兵十七年內陞鑾儀衛使鄖陽士
民號泣攀留十八年復任鄖陽時樵夫牧豎胥慶於道
歌舞之聲震動山岳其繫人心如此康熙三年會小醜
鴟張督士卒討之戰旣合不利衆皆殊死 兵盡矢窮

猶揮刀馘斬數十人卒以死殉事聞 朝廷給全葬焉

羅光乾字文九號天一為兵部進士官副府映壇公子累
代積武功公生而勇毅喜談兵綽有父風少孤困頓依
季父映培公從戎行間康熙十七年鄭之龍倡 隨楊

三金縣志
師奮臂征討殺賊有功議加都督銜越六年授宿遷遊
擊四十一年擢浙江大荆叅將旋陞正定副總兵四十
六年調湖州協時值杭嘉湖三郡水災公捐俸賑粥復
請於中丞黃公具題蠲濟全活甚衆峴山建有生祠
祀焉四十九年奏調浙閩督標中軍五十八年又調澎
湖協副總兵平朱一貴之 雍正元年乞休歸二年卒
薦舉

羅 袞廩貢生雍正六年本縣以立品自愛制行謹飭薦
贈品行克端匾雍正七年鄉飲正賓乾隆三年再舉鄉

飲正賓

周凌晏廩膳生雍正六年本縣以砥節勵行開戶讀書薦
贈經明行修匾本年科試本縣以人品醇正學問優長
舉優贈光風霽月匾雍正八年本縣又遵例以品行端
方才堪任使保舉齋文至郡抱病回雍正十年貢

鄉飲

羅 袞雍正七年正賓

吳 渥雍正七年介賓

高 明雍正七年耆賓